



REPUBLIKA E SHQIPËRISË  
**UNIVERSITETI I ELBASANIT “ALEKSANDËR XHUVANI”**  
**FAKULTETI I SHKENCAVE HUMANE**  
**DEPARTAMENTI I HISTORI-GJEOGRAFISË**

Nr. \_\_\_\_\_ prot

Elbasan, më 24.04.2026

**Lënda:** Për kriteret e pranimit të studentëve në programin e ciklit të tretë të studimit Doktoratë në “Albanologji”, nënfisha “Studime historike”, për vitin akademik 2025-2026

**Drejtuar: DEKANATIT TË FSHH-SË**

**Pwr dijeni: Kolegjit Doktoral**

**Rektoratit të UE-së**

Në mbështetje të Ligjit **Nr. 80/2015**, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, **neni 78, pika 2, Urdhri nr. 671**, datë **04.11.2022**, me **Nr.Prot. 7371/1**, të Ministrisë së Arsimit dhe Sportit «Për riorganizimin e programit të studimit të ciklit të tretë “Doktoratë në albanologji” në Universitetin e Elbasanit “Aleksandër Xhuvani”», Statutit të Universitetit të Elbasanit, **neni 53, pika 2**; Rregullores së Studimeve të Fakultetit të Shkencave Humane, **neni 14, pika 2**; Rregullores për Organizimin dhe Funksionimin e Programit të Studimit Doktoratë në “Albanologji”, **neni 6, pika 6.1**, Departamenti i Histori-Gjeografisë në mbledhjen e datës 15.04.2026, vendosi “Përcaktimin e kriterëve të pranimit të studentëve në programin e ciklit të tretë të studimit Doktoratë në “Albanologji”, nënfisha “Studime historike”, për vitin akademik 2025-2026 (Vendimi nr. 6)”, si më poshtë:

- Të ketë përfunduar studimet e larta në shkencat albanologjike dhe të zotërojë një diplomë të ciklit të dytë “Master i shkencave”/“Master i arteve”, një diplomë të integruar të nivelit të dytë, ose një diplomë sipas sistemit të vjetër apo titull akademik të barasvlershëm, të fituar jashtë vendit dhe të njohur nga organet kompetente; ose të jetë pjesë e *rrjeteve doktorale* të mbështetura nga programe bashkëpunimi ndërkombëtare, në fushën e kërkimit shkencor dhe formimit të studiuesve të rinj (si pjesë e mobiliteteve dhe bashkëpunimit të ndërsjellë).

- Të ketë notë mesatare, mbi 8 (tetë) në studimet e ciklit të parë dhe të dytë. Përfshihen nga plotësimi i notës mesatare kandidatët e diplomuar jashtë vendit.

- Të ketë mbrojtur një nga gjuhët e huaja: *anglisht, frëngjisht, italisht, gjermanisht ose spanjisht*, në përputhje me nivelet e parashikuara në Udhëzimin Nr. 52, datë 03.12.2015 “Për përcaktimin e niveleve të gjuhëve të huaja dhe të testeve ndërkombëtare, për pranimet në programet e studimit të ciklit të dytë dhe të tretë, në institucionet e arsimit të lartë”, i ndryshuar (pika 3) sipas Udhëzimit Nr. 10, datë 16.06.2023, të MAS. Nëse individit ka fituar një diplomë të një programi studimi të kryer në një nga këto gjuhë, diploma e fituar shërben si dëshmi për plotësimin e këtij kriteri.

- Të ketë dy rekomandime nga persona që kanë titullin “Profesor” ose “Profesor i asociuar”, të cilët njohin aftësitë kërkimore shkencore dhe profesionale të kandidatit.

- Të ketë paraqitur projektin kërkimor, në përputhje me projektin “Albanologjia dhe realitetet e reja në metodologji dhe burime”, në momentin e aplikimit.
- Të paraqesë një përmbledhje të temës së masterit (4 faqe), për studentët që zotërojnë një diplomë të ciklit të dytë “Master i shkencave”/“Master i arteve”.
- Të ketë publikime të mëparshme kërkimore-shkencore.
- Të mos jenë marrë masa disiplinore ndaj tij apo të mos jenë gjetur shkelje të rregullave të etikës së kërkimit shkencor, të të drejtave që burojnë nga pronësia intelektuale apo shkelje të rregullave kundër plagjiaturës, si edhe të vetëdeklarojë se është në gjendje të zbatojë standardet shkencore dhe etike.

Aplikanti për të ndjekur programin e studimit të doktoratës bën një kërkesë, ku paraqet edhe propozimin për temën dhe objektivat e kërkimit shkencor. Kërkesa me propozimin e kandidatit përfshihet në dosjen personale, e cila përmban edhe dokumentet e mëposhtme:

- Curriculum vitae.
- Kopje të noterizuar të diplomave, të shoqëruara me suplementet e diplomës ose listën e notave me kreditet përkatëse. Diplomat e fituara jashtë vendit duhet të shoqërohen me vërtetimin e njohjes/ekuivalentimit nga ministria përgjegjëse për arsimin.
- Certifikatë lindjeje, si edhe fotokopje të kartës së identitetit/pasaportës.
- Dy rekomandime nga persona me titullin “Profesor” ose “Profesor i asociuar”.
- Dëshmi të gjuhës së huaj, në përputhje me nivelet e parashikuara në Udhëzimin Nr. 52, datë 03.12.2015 “Për përcaktimin e niveleve të gjuhëve të huaja dhe të testeve ndërkombëtare, për pranimet në programet e studimit të ciklit të dytë dhe të tretë, në institucionet e arsimit të lartë”, i ndryshuar (pika 3) sipas Udhëzimit Nr. 10, datë 16.06.2023, të MAS. Nëse individ ka fituar një diplomë të një programi studimi të kryer në një nga këto gjuhë, diploma e fituar shërben si dëshmi për plotësimin e këtij kriteri;
- Dëshmi dhe vërtetime në lidhje me kualifikime, trajnime, provime pasuniversitare ose artikuj shkencorë që mund të ketë kryer, pjesëmarrje në konferenca shkencore apo përvoja akademike.
- Deklaratë vetjake e studentit për përballimin e shpenzimeve të programit të studimeve të doktoratës, nëse do të vetëfinancohet.
- Projektpropozimin e kërkimit shkencor, ku të evidentohen qëllimi dhe objektivat, metodologjia që do të ndiqet, nevoja për studim të thelluar në fushën e propozuar dhe risitë që pritet të sjellë punimi; projektpropozimi duhet të jetë në përputhje me projektin kërkimor zhvillimor “Albanologjia dhe realitetet e reja në metodologji dhe burime”, të aksesueshëm në:  
<https://uniel.edu.al/fakultetet/fakulteti-i-shkencave-humane/njofitime.....>
- Vërtetim nga qendra e punës, nëse kandidati është i punësuar.
- Mandatpagesa për tarifën e aplikimit, mund të gjendet në:  
<https://uniel.edu.al/zona-e-sherbimeve>
- Vetëdeklarim të aplikantit se do të zbatojë standardet shkencore dhe etike.
- Vetëdeklarim që nuk është subjekt i asnjë mase disiplinore të marrë ndaj tij.

**DREJTUESE E DEPARTAMENTIT**  
**Prof. Dr. Rudina Mita**